

11.
D. SALOMO CONSTANTINVS
TITIVS

ORDINIS MEDICORVM WITTEBERGENSIS

H. T.

DECANVS

PANEGYRIN MEDICAM

A. D. 25. SEPTBR. 1795.

A

CAROLO FRIDERICO SEEBVRG

SCHKEVDITZIO - MARTISBVRGICO

MEDICINAE CANDIDATO

H. L. Q. C.

HABENDAM

INDICIT.

*Experimentorum Ticinensium, in quibus Diabeticorum
urina sub examen vocatur, enarratio cum epicrisi.*

PROLVISIO IIIL.

THE NATIONAL ANTHROPOLOGICAL ARCHIVES
SERIES I

THE NATIONAL ANTHROPOLOGICAL ARCHIVES

1900-1909

THE NATIONAL ANTHROPOLOGICAL ARCHIVES

1910-1919

THE NATIONAL ANTHROPOLOGICAL ARCHIVES

1920-1929

1930-1939

1940-1949

1950-1959

THE NATIONAL ANTHROPOLOGICAL ARCHIVES

1960-1969

THE NATIONAL ANTHROPOLOGICAL ARCHIVES

1970-1979

Senioris aegroti, de quo D. HOME refert, vrina, colore pallido, fero lactis simili, parum vel nihil sedimenti habuit. Sapor vere dulcis; ad extracti consistentiam redacta quaevis vrinae libra, vnciam vnā cum semelle substantiae fuscae, saccharo similis, saporis leniter falsi, dedit. Nec acido vitrioli, nec calore, coagulatur vrina. Fecum additamento mox fermentatio, quae post triduum absoluta, omnem dulcedinem in saporem cereuisiae conuertit. Vbi quiete reposita fuit, post 13 dies, quibus aegroti reconualescentis vrina iam corrupta erat, mucum tensum, crassum, ad superficiem eiecit; vndecim diebus post, vrina diabetici saporem odoremque paullo putridum contraxerat, reconualescentis autem prorsus computruit. In sanguine huius aegroti nihil, quod a natura aberraret, nec serum dulce, obseruatum est.

Lotium iunioris aegroti recens, colorem habuit citrinum, dilutum, odorem consuetum, saporem dulcem. Libra eiusdem, extracti spissitatem nacta, substantiae fuscae, saccharo crudo similis, vnciam vnā dedit, cuius odor saccharinus cum vrinoso mixtus, sapor ex dulci salinus. Ex eadem neque calore, neque acido sulphuris concentrato, coagulum educi potuit. Fermento addito in fluidum abiit, quod cereuisiam paullo saturatiorem aemulatur. Corruptione spontanea in conclau calidiore, exactis decem diebus, lotium mutatur, spumam copiose, et vesiculas eiecit, aliaeque fermentationis vinosae signa, instar cereuisiae vappidae, odore et sapore prodit. Sanguis incisa vena missus, atque duplici vase exceptus, in posteriore crustam inflammatoriam fecit. Alio tempore idem obseruatum est phaenomenon; serum quoque salsum.



Hinc pleraque phaenomena, quibus vrina horum aegrotorum a sana differt, cuiusmodi sunt: color sero lactis similis, sapor dulcis, nifus in fermentationem vinosam atque acidam, ab insigni partium saccharinarum copia deriuanda esse, D. HOME, non sine ratione, contendit. Praeter hoc sal dulce, alia adhuc salia, sapore dignoscenda, vrinae inhaerent, vt muriatum et ammoniaci et sodae, quae repetita solutione et crystallisatione seiungi potuerunt. Particulae lymphaticae nullae. Putredo in sanorum vrina celerior, in diabeticorum tardior, ex maiori principiorum saccharino-mucosorum copia, oriunda videtur. Causam vero, cur secundi aegroti vrina longe manifestiora fermentationis vinosae et acetosae indicia, quam primi ederet, temperiei calidiori, quae fermentationi magis fauet, anni tempestati, et maiori vrini quantitati, tribuit.

THOM. CAWLEY (*in London Medical Journal. 1788. p. 286. übersetzt Samml. f. prakt. Aerzte B. 13. St. 1. S. 113.*) historiam morbi diabetici, viri mediae aetatis, refert, qui vegetus antea, viribus insigniter debilitari coepit, copia vrinae minime aucta. Post dimidium fere annum, cum vrina dulcior facta, secum ope in fermentationem abiret, atque post euaporationem, extracti mucilaginosi dulcis vncias quinque aut sex, in libris duabus, relinqueret, de natura morbi medici certiores fuerunt redditi. Haec vero particularum saccharinarum copia, sub finem morbi sensim decreuit, vt in libris duabus vix vncia vna et semis substantiae extractivae superesset. Vltimis tribus ante mortem diebus, vrinae quantitas ita fuit aucta, vt vix retineri amplius posset, color quoque, antea lucide flauus, obscurior factus, naturali similis. Quae in vrina hac, quam aegrotus medio quasi morbo emittebat, suscepta fuerunt tentamina, iam nunc enarranda veniunt.

Haec, sapore dulcescente, in superficie nil oleosi praebruit. In loco calido asseruata, post duas aut tres horas, odorem acidum dispergit, mox in vinosam, deinde acidam fermentationem abit, qua multum acidi carbonarii emittitur. Nubecula per mediam vrinam collecta, albo cadens sedimento discutitur. Haec quidem phaenomena plane Dobsonianis tentaminibus conueniunt. Vrina autem, nec
acido

acido sulphuris, nec cineribus clauellatis, mutata, nec odor ammoniacalis euolutus fuit. Igne inspissata, leuiculum odorem vrinofum, qui vix in extracto, quin in quadam illius parte, minime sentiebatur, diffundit. Exigua huius extracti portio, aqua subito quidem, spiritu autem vini minime soluebatur, eundem haud tinxit, sed mox in puluerem, facile conterendum, conuertitur.

Tentamina haec, etsi manca atque ad partium, quae lotium diabetici huius constituunt, cognitionem, vix apta videntur, exiguam tamen sacchari quantitatem, cum quibusdam particulis extractiuis, nec non salis quicquam ammoniaci, per inspissationem demum in conspectum prodeuntis, eidem inhaerere, satis certo docent.

Illam quidem, quae celebris Gallus FOYRCROY (*Medécine éclairée* Tom. I. pag. 149.) quem Cl. PLOUCQVET (in *Bibliotheca medicae practicae* Tom. II. p. 719.) laudat, suis tentaminibus expertus est, hoc loco afferre, mihi tantum in optatis est, cum non solum libro ipse carerem, sed in illis, quae ad manus fuerunt, diariis litterariis, illius recensum agentibus, imo in translationis germanicae cura HUFELANDII et GOETTLINGII Vir. Cl. de hoc libro editis haecenus fasciculis (*Aufklärungen der Arzneywiss. Weimar 1793.*), eiusdem experimenti et argumenti, ullam quidem mentionem factam esse, haud legerem.

Ne insistam hoc loco, quod nimis esset longum, ceteris id genus, quae forte supersint de vrinae experimentis explicandis, illa quidem, antequam generatim iudicium ferri possit, quae vrinam sanorum explorant, atque quid a morbo vitata differat, ostendunt, excutienda sunt. In huius quidem analysi MARABELLIVM primo sequamur, qui eodem, quo diabeticorum, sani quoque hominis vrinam, tempore, curationis comparationis causa, pertentaui.

Exp. 17. Limpida haec, colore citroso, sapore falso, paululum amaro, odore subacido fuit, acidumque phosphoricum solutum prodidit; per mercurii nitrati solutionem, rosei coloris subsidentia habuit magna copia, atque calori atmosphaerico exposita, fermentationis vinosae, aut acoris aucti, nulla signa dedit, post tres autem dies penitus putris facta est.



Exp. 18. Euaporatione cum syrupi instar confisteret, substantiam nigram odoris ammoniacalis, salsam, acrem, amaram, praesentavit, in qua crystalli copiosiores, materiis heterogeneis mistae, sensinique numero auctae, conspiciebantur. Liquor refrigeratus, crystallis, omnique alia miscela plane privatus, erat quidem fluidissimus, sed extracti instar tenacitatem exhalatione nactus, copiosiores fumum, et odorem admodum ingratum, foetidum, inter comburendum dissolvit; atque post digestionem nigrore vini spiritum tinxit, qui aqua amplius haud decomponi potuit.

Exp. 19. Alia urinae huius portio, postquam vaporazione in extractum coierat, acido nitri, ut in pristinis tentaminibus, et aliis subsidiis chemicis, explorata, longe maiorem, quam in diabeticorum urina, salis muriati sodae, et substantiae extractivo-saponaceae, quantitatem praebuit; parum cinerum clavellatorum, acido sulphurico et muriatico iunctorum, sal phosphoratum et sodae et ammoniaci, atque nonnihil ferri.

Itaque in sani hominis urina, atque in illa diabetes insipidi, magnam qualitatum convenientiam, sed in diabetes melliti insignem discrepantiam esse, ex dictis maxime patet.

Plura; eaque acriori limanda iudicio, supersunt, quae quidem labori huic proximo destinavimus. Nunc enim ratio habenda est Candidati Dignissimi,

VIRI PRAENOBILISSIMI, DOCTISSIMI,

CAROLI FRIDERICI SEEBURG

SCHKEVDITZIENSIS,

qui utriusque artis salutaris studio, quatenus tam circa externas, quam internas corporis humani partes occupatur, per plures annos, optimorum ductu praeceptorum et consilio, operatus est. Quanta imprimis dexteritate in chirurgicis versetur operibus, cum Ipsius Dissertatio egregia nobis documento esse possit: non minori medicinae interio-

ris cognitione instructum esse, laudatissima Ordini nostro edita specimina, quibus Se summis, quod modeste petiit, honoribus, dignissimum praestitit, comprobant. Quomodo praeparatus sit, ex Ipsius vitae cursu breuiter, vti moris est, exponendo, patebit.

*E*go, CAROLVS FRIDERICVS SEEBVRG, Schkenditzii natus sum, die 21. Sept. Anno 1761. a Patre SAMVELE CHRISTOPHORO, Chirurgus publico iurato, Matre vero CHARLOTTA CONCORDIA e gente OTTONVM. Quibus parentibus optime de me promeritis, at proh dolor! morte iam mihi ereptis, debitas piasque consecro lacrymas. Fundamenta religionis apud me posuit Cl. HORDORF, Cantor Schkenditzii, litterarum autem humaniorum prima elementa mihi tradidit Cl. SCHERBER, Scholae patriae Rector. Anno 1775. a Patre primam in chirurgia accepi institutionem, cuius exercendae etiam Ipsius ductu optimam nactus sum occasionem. Quo maiores in chirurgicis et anatomicis lectionibus progressus facerem, anno 1782. Lipsiam adii, ibique praelectiones chirurgicas b. KRAVSII, anatomicas b. BOSII et b. WERNERI, Professoris, audiui, materiam vero medicam et chirurgicam b. D. FREY cursumque operationum chirurgicarum b. HEBENSTREIT explicarunt. Anno 1785. Lectiones medico-chirurgicas, theoreticas et practicas, quae Dresdae habentur, frequentavi, in quibus sequentium praeceptorum Experientissimorum memoriam semper grata mente colam, nimirum b. PITSCHELII, HAENELII, DEMIANI, GERSHEMII, b. MEYTERI, b. WAGNERI, TITII, Chirurgiae exercitium docuit Dn. WILD, Chirurgus supremus exercituum Saxoniorum. Anno 1787. mandatum mihi est munus Chirurgi militaris in Legione pedestri von LIND, quo etiam per septem et dimidium annum Schneebergae, Plawiae, et Zwicauiae functus sum. More consueto anno 1792. Dresdam, ut ibidem denuo repeterem lectiones, missus, iisdem doctoribus usus sum, et insuper Dn. WEISSIO, Magistro scholae obstetriciae, quae Dresdae floret, dexterrimo, atque OHLIO, Professore Theatri anat. Dresdani, iam Chirurgus supremo Legionis pedestris de NIESEMEVSCHEL. Anno 1794. cum laude a Legione dimissus, Lipsiam iterum adii, ibi ab Acad. Rect. Magnifico Dn. ARNDT in numerum civium academicorum receptus: Praelectiones in philosophia, chemia, anatomia, physiologia, et reliquis medicinae parti-



partibus, Viror. Excellentiss. atque Experient. nimirum PIATNERI, ECHENBACHII, HAASII, et imprimis HEBENSTREITII, ex cuius ore omnem fere medicinae interioris cognitionem hausit, maximam mihi attulerunt utilitatem. Hoc ipso demum anno d. 23. Maji Vir Magnific. Illustris HOMMELIUS me inseruit albo huius Academiae Vitzbergensis. Ab eo inde tempore praelectiones a Praeceptoribus Optimis habitas adii, nimirum a BOEHMERO in Therapia tam generali quam speciali, TITI in Chemia ac medicina forensi, quibus ideo maximas ago semperque habeo gratias, apud quos Ipsos, Ordinis Medici Assesores, tentamina consueta subii, iamque in eo sum, ut summos in utraque arte capiam honores.

Praestitis ergo omnibus, quae, peragenda erant, antequam summos, quos petiit, honores ferre possit Candidatus noster, nihil amplius restat, quam ut dissertationem suam, *Exstirpatio ossis humeri, exemplo felici comprobata*, a Se elaboratam, publice, Meo praesidio, defendat. Cui solemnitati destinatus est dies Veneris d. 25. Septbr. atque hunc actum disputatorium ut sua praesentia splendidiorem facere benevole velint, RECTOREM ACADEMIAE MAGNIFICVM, COMITES ILLUSTRISSIMOS, GRAVISSIMOS VTRIVSQUE REIPUBLICAE PROCERES; NEC NON GENEROSISSIMOS ET PRAENOBILISSIMOS VNIVERSITATIS NOSTRAE CIVES, OMNESQUE OMNINO LITERARVM FAVTORES; iam et Ordinis mei, et Candidati nomine, perofficiose oro, rogoque.

P. P. Dom. 16. post Fest. Trinit. 1795.

